

**Protocol dalla radunanza generala**  
**dall'Uniun Rumantscha Grischun Central (URGC),**  
**igls 26-04-2017, 20.30, ustareia La Tgoma, Lantsch**

preschaintAs: 21 persungas inclus giasts

stgisos/adas: Gion Cola, Magnasch Michael, Gian Michael, Dorathe Dolf, Leo Thomann, Gierina Michael, Pia Plaz, Simon Willi, Filip Dosch, Sascha Pittet, Urs Cadruvi, Barbara Riedhauser, Corina Derungs, Johann Clopath, Beat Jenal, Rico Michael

**1. Bavagnaint**

La presidenta, Zegna Pittet-Dosch, benevainta tot igls preschaints cordialmaintg. Ella fò attent tgi dovra egn e mintgign per mantigneir igl noss lungatg.

**2. Elecziun d'en dombravouschs**

Rico Liesch vign proponia ed eligia.

**3. Approvar igl protocol dalla davosa radunaza generala**

Igl protocol è nia tarmess ansemen cun l'invitaziun. Angraztgond vign el approvo unanimamaintg.

**4. Approvar igl rapport da gestiun 2016 (publitgia ainten la Revista digl noss Sulom 2017)**

Igl rapport annual è sto publitgia ainten la revista digl noss Sulom 2016. Zegna menziunescha curtamaintg igl codesch "Igl tgavrer", tg'è nia fatg cun Linard Candreia.

Igl rapport vign approvo unanimamaintg.

**5. Approvar igl rendachint 2016 ed igl rapport digls revisours**

Marc Decurtins preschainta igl chint digl onn 2016. Igl chint sera cun en surple da CHF 6'931.64. La somma da bilantscha monta a CHF 81'015.24. Igl rapport digls revisours vign piglia per cunaschientscha ed igl chint approvo unanimamaintg.

**6. Fixar igl program d'activiad 2017**

Fegnameiras pigl onn 2017

- Edeir annualmaintg la Revista digl noss Sulom
- Edeir igl codesch d'ameis
- Cuntinuar cun acziuns spezialas per unfants dalla prescola/scoligna
- Observar e sustigneir igl svilup digl rumantsch

Fegnameiras permanentas

- Formular giaveischs permangs dalla Leia Rumantscha
- Sustigneir e promover inscripziuns rumantschas

Johannes Flury preschainta igl project dall'ETH. El fiss led tgi l'URGC sustigness igls studens durant lour emda an Surses.

Reto Capeder manegia tg'igl cumegn da Surses stuess aveir ena cumischung da cultura e lungatg. Igl madem vala er per igl cantun. Pianavant seia chegl ena discriminaziun schi ena brev digl cumegn ò l'adressa an tudestg.

Igl program da labour vign approvo unanimamaintg.

### **7. Approvar igl preventiv 2017**

Igl cassier, Marc Decurtins, preschainta igl preventiv tgi prevei antradas da 58'500 francs e sorteidas da 54'000 francs. Igl preventiv vign approvo unanimamaintg.

### **8. Fixar las contribuziuns annualas 2017**

Las contribuziuns da commembers, tgi montan a CHF 30.- per singuls, CHF 50.- per conjugals, per collectivs e persungas giuridicas, restan scu anfignen ossa.

### **9. Rapport LR Grischun Central**

Carmen preschainta scu mintg'onn la labour dalla Leia Rumantscha:

- La famiglia da glioirs
- La famiglia Babulin
- Concorrenza da screiver
- Campiunadi mundial da skis
- Café rumantsch
- scola sen visita tar la Leia
- Dumbraziun digls rumantsch
- Vendita da codeschs allas fieras
- Curs da rumantsch
- Kidsfits
- Nous discurrign rumantsch
- Multiplicatours / Bilinguitad / Fusiuns / Instrucziun rumantscha
- Biro Vargistagn

Romano Plaz fò attent tgi la nova senda se Somtgant vess d'aveir l'inscripziun rumantscha. Carmen Dedual rasponda, tg'ella seia er dalla parteida an tgossa.

### **10. Varia**

Johannes Flury declera la situaziun actuala dalla Quotidiana. Igl mument dovrigl en concept per las medias rumantschas. La Quotidiana duess betg svaneir, sainza tgi detta alternativs.

I vign fatg attent, tgi la Leia duess an amprema lengia tgirar igl territori rumantsch. Johannes Flury menziunescha, tgi schi la confederaziun pretenda en sustign per l'antiera Svizra, e sustigna chegl finanziaimaintg, fò la LR chegl. Pero vign chegl betg fatg cun meds tgi èn avant mang, i dovra novs meds finanziais.

Zegna sera la seduta cun en grond angraztg alla redacziun digl Sulom, agls consuprastants scu er alla Leia Rumantscha ed igl davos ad egn e mintgign tgi ò en cor tgi batta per igl lungatg rumantsch.

Fegn dalla radunanza allas 22.05

Casti, avregl 2017

Gion Capeder